



Vita de ploania y de paisc

- **Cunc dla dlija: la ploania preia eniann che duc dai en contribut por daidé paié l'orgo**, co va der debojugn da meter a post. Cösc pó gní paié ete te banca: Cassa Raiffeisen IBAN IT 60 B 08010 58550 000305001820
Cassa dal Sparagn IBAN IT 18 B 06045 58550 000005000568.
I podeis ince dé jö Osc contribut te calogna bas ete **en sabeda ai 23 de forá do la messa da sera y la domegna ai 24 do la gran messa**. Iolan y Dio s'al páii!
→ **Coreziun** - sön la plata dai cunc dla dlija 2018 él sciampé ete en fal: le comune á paié le terac por la ciasa dal mone **61.036,00 €** (nia 66.156,00 €)
- **De dles Uniuns y dles families: en domegna, ai 3 de merz**, vegnel metü a jí sön la pista Pre da Peres, la 2^a ediziun dal "De dles uniuns y families dal paisc d' La Pli". **Ales 11:00** él sön program la **gara dai schi**, eniann con la novité de na categoria unica por chi da foradeca. Ales 14:00 él spo la **stafeta de 3 partezipanc** dles categories: **families** (mituns, geniturs, neni, berbesc), **uniuns dai mituns/jogn** y **atres uniuns**, danter gara dai schi da danmisdé, salté sö pert (a pé, ciaspes, pels) y gara dla lösa. Les iscriziuns ven tutes sö por sms ☎ 349 3820194 (dé dant cognom+enom+ann de nasciüda) o cina les 10:30 tal Furcia Center. Al zenter dal de ne déssel nia tan sté la competiziun, mo deplü le divertimont da passé en de deboriada desco comunité.

1 enformaziuns y termins

Encuntada con la Biblia: en lönesc ai 25 de forá ales 20:00 él te salf de calogna d'Al Plan na encuntada de reflsciun sön la Biblia, con signor Sepl Granruaz. Düc é enviés.

Sorvisc ai Jogn/1: le Saj organiseia al 1 de merz ales 21:00 n cabaret con Thomas Hochkofler dal titul "Eppes Nuis", tla Ciasa dla Cultura sö La Ila. Prenotaziuns tres SMS ☎ 342 8410721, denn dant ennom, cognom y numer de partezipanc. Entrada dales 20:00 ennant, a 18,00 €. Les chertes ven rerservades cina n cherdora denant.

Sorvisc ai Jogn/2: le Saj chir animadusc/animadesses pro le proiet "Isté deboriada 2019". An mess avei arjunt la majerá ete por canche le proiet met man (08.07.2019). Por plü enformaziuns poste scri a info@jogn.org o telefoné a Verena, ☎ 342 8427430. Les domandes pó gní dades jö anter la jöbia ai 28 de forá.

Ciasa de Palsa: la Ciasa de Palsa Ojöp Freinademetz chir pracitcanc/antes danter 16 y 21 agn por l'isté co á veia y motivaziun da emparé da conesce la ciasa y sü berbesc y medes. Enformaziuns plü monüdes, ☎ 0474 524700 y sön la plata internet www.stiftungsparkasse.it. Se scrí ete pón cina ai 11 de merz tres la plata internet https://www.stiftungsparkasse.it/Job.aspx?FILE=TYP_STD&ID=20011964&GRP=Interventi%20-&IMG_ID=11200005.

Comun de Mareo: al ven chirí en famei por la munt Val dai Tamersc a meterman de jügn por ca. 3 edemes. Por enformaziuns plü monüdes podeise contaté l'assessur competent Patrick Complojer.

Döt le bun a: a duc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

24.02.2019 - 7. domegna ia por l'ann

n. 13

I ves dá n comandamont nö: Desche iu ves á orü bun, ensciö desses ince os s'orei bun. Alleluia!

1 Sam 26, 2.7-9.12-13.22-23 | 1 Cor 15, 45-49 | Lc 6, 27-38

Dal Vangelo do San Lúca:

Te chel tomp á Gejú dit a sü discepu: ²⁷A os, ch'i m'ascuteis pro, ves diji: Oredi bun a üsc nemisc; fajedi de ben a chi co ves á le senn. ²⁸Benedide chi co ves maledesc; periede por chi co ves maltrata. ²⁹o chel co te bat sön öna na massedla tegni ince ia l'atra, y a chel co te tol le mantel lasci ince la ciameja. ³⁰Dái a vignönn co te preia; y sce önn te tol val', no le ieré derevers. ³¹Ci ch'i ves aspeteis da d'atri, chel fajedi ince os a d'ei. ³²Sc'i ti oreis ma bun a chi co ves ô bun, ci mirit se fajeise pa? Ince i piciaús ti ô bun a chi co ti ô bun. ³³Y sc'i ti fajeis mâ de ben a chi co ves fej a os de ben, ci mirit se fajeise pa? Chel fej ince i piciaús. ³⁴Y sc'i ti empresteis mâ a chi, da chi ch'i spereis de le ciáfé retü, ci mirit s'aspeteise pa? Ince i piciaús ti empresta ai piciaús tla speranza da ciáfé döt endô retü. ³⁵Os endere desses ti orei bun a üsc nemisc, fá de ben y empresté, ince danló olach'i ne podeis s'aspeté nia derevers. Danló sará gran osc paiamont, y i sareis fis dal Altiscim, deache ince el é bun con chi co n'é nia reconescionc y con i ri. ³⁶Seise misericordiusc, desche osc Pere é misericordius! ³⁷No iudichede, spo ne gnareise gnanca os iudichés. No condanede, spo ne gnareise gnanca os condanés. Pordenesse, spo ves gnarál pordené. ³⁸Dede, spo ves gnarál dé ince a os. [...]

Oraziun dal de

Periun! Dio de bunté, te nes as baié a nos tres to Fi: láscesse entres endô contemplé tóa parora, por ch'i sunse bogn da dí y de fá ci co te plej.

Do cösc te periunse por nosc Signur Gejú Crist, to Fi, co é Dio, y vir y regneia con te t'l'unité dal Spirit Sant por duc i secui dai secui. – Amen.

(Lezionar C)



Letöres dla 8. domegna ia por l'ann:

Sir 27, 4-7 | 1 Cor 15, 54-58 | Lc 6, 39-45

Edema liturgica dai 24.02. ai 03.03.2019

DOM 24. 08:30 10 y 18	7. domegna ia por l'ann gran messa por döta la ploania s.m. a Al Plan	Matia apostul, Ida oferta por i debojügn dla ploania
Lön 25. 07:30	Walburga, Adeltrud s.m. a Al Plan	
Ded 26. → 07:45	Ulrich, Metilde, Ottokar y Adalbert s.m. dai scolari por † Maria Willeit, Ansele/Balsan s.m. por †† Angela y Rita Willeit, Cianoré	
Dem 27. 18:00	Marchward, Iulian s.m. a Al Plan	
Jöb 28. 19:30	Roman, Silvana, Oswald, Antonia - de d'oraziun do vocaziuns s.m. por † Irene Erlacher Pescoll, Plaza s.m. por vis y defonti dla fam. Jan y Rita Willeit, Plazores	
Ven 01. → 18:45 19:30	pröm vendres - De mondial d'oraziun dles eres Albin, Davide, Teresa signor ploan va a proveder poscibilité da se pissié s.m. por † Jep Palfrader, Mone s.m. por † Massimo Topran Cutin, La Pli s.m. por † Rovara, Aroth, funziun al Sacher Cör	
Sab 02. 18:00 19:30	Sabeda de Santa Maria Agnese da Prag, Ines, beat Carlo s.m. prefestia a Al Plan s.m. prefestia por vis y defonti dla familia Erardi, Marô s.m. por † Maria Ellecosta Brunner, Lühesc/Valdaora s.m. d'aniversar por † Isidor Ploner y por † Anna Ploner, Plazores	
DOM 03. 08:30 10 y 18	8. domegna ia por l'ann gran messa por döta la ploania y devoziun a Santa Maria s.m. a Al Plan	Cunigunda, Tobia, Friedrich oferta por i debojügn dla ploania
ampola:	ad intenziun de na familia	
ministronc:	▶ da doman y domegna: Samuel y Nadia ▶ da sera y domegna: Miriam y Alex	



La revoluziun dal amur (Lc 6, 27-38)

I ponsi do

L'ensegnamont de Gejú é na leziun revoluzionara. Al s'ensegna da vire l'amur zonza condiziuns o specolaziuns, zonza ciaré al merit dai atri, mo da le dé ca debann y con gran generosité. I sán che Gejú é sté le pröm da vire dant ci ch'al s'á ensigné: l'amur n'adora nia de beles parores, mo fac y dezijiuns concretes de vita.

I preii ensciö

Gejú, chi co t'ascutâ sö le pröm iade ará ma ciaré ca, önn o l'ater t'ará ince araté mat: „Co pón po ma ti orei bun a chi co te fej de mal, perié por chi co t'á le senn, pordené a chi co t'ofenn? Al é miú se vendiché! Alplü pói desmoncé y fá finta de nia... mo pordené, na chel no!“ Mo tö, Signur, ne proes nia da se baié sö con en gröm de parores: tö es belo sté plü co tler. Söla crusc s'aste spo dé le plü bel ejempl: te i scinches to pordonn y töa salveza cinamai a chi co ô te copé! I te periun porchel do la forza da orei bun ensciö desco tö y da capí che ma la revoluziun dal amur müdará le monn.

La storia de Noé cuntada ai mituns (7)



L'ega se tira zoruch

Do caranta dis orea Noé sei tan che l'ega s'â arbassé. Al â daurí bel plan la finestra dl'arca y â lascé joré fora en corf. Le corf ea joré dio alalungia cina ch'al s'â ciagé en post assöt. Do da empez â Noé lascé joré fora na colomba. Mo ara ea tosc jorada zoruch. Ara n'â nia tan de dörada co le corf y ne s'â nia ciagé en post assöt da se lascé jö. Enschiö sâ Noé ch'al ea ciamó der trepa ega sön la tera.

Set dis do â Noé daurí por le terzo iade la finestra y â ciamó en iade lascé joré fora la colomba. Empormó söla sera ésera jorada zoruch. Tal bech ára na rama d'orí fresca. Noé sâ sen che al ea ma plü pücia ega sön la tera y che Chelbeldio lasciâ cresce döt danö. Ciamó en iade â Noé aspeté set dis. Spo âl endô lascé joré la colomba. Al aspetâ cina da sera, mo la colomba n'ea nia gnüda zoruch. Noé â sen capí che döta la tera ea endô assöta.



Canche la dljia s'la rí

En rich damana al ploan: „Röi dessogü a paraisc sc'i scii te mio testamont ch'i ti lasci en miliun ala dljia?“ Resposta dal ploan: „Empormeter ne pói samben nia, mo iu dijess da proé!“

Als die Mutter merkt, dass ihrem Sohn die wöchentliche Bibelstunde gut gefällt, weckt sie ihn am Morgen mit den Worten: „Jüngling, ich sage dir, steh auf!“ Darauf der Sohn: „Frau, meine Stunde ist noch nicht gekommen.“

Annuncio parrocchiale: „Care signore, non dimenticate la vendita di beneficenza. È un buon modo per liberarvi delle cose inutili che vi ingombrano la casa. Portate anche i vostri mariti.“